



# PREZIDÉNSIA KONSELLU MINISTRUS

VI GOVERNUN KONSTITUSIONÁL

DILI, LORON 10 FULAN-AGOSTU TINAN 2016

## KOMUNIKADU IMPRENSA

### Sorumutuk Konsellu Ministrus nian iha loron 10 fulan-agostu tinan 2016

Konsellu Ministru hala'o sorumutu iha loron kuarta, iha Palásiu Governu, iha Dili atu avalia **Timor-Lestea nia tulun ba Repúblika Portugeza atu kombate inséndiu ne'ebé makestraga país ne'e**, ne'ebé hamate ona ema na'in ida. Aprova ona tulun euro millaun 2 atu haforsa kapasidade resposta nian iha terrenu. Husi valór ne'e, euro millaun ida rihun 250 sei entrega hodi fó tulun ba autoridade portugeza nian sira hodibele kombate inséndiu (ahi-han-rai) no euro rihun 750 sei fó tulun diretu ba populasaun sira ne'ebé afetadu.

Primeiru-Ministru Portugál nian, António Costa, bolu atensaun ba difikuldade ne'ebé país ne'e sei hasoru iha loron hirak tuirmai, tanba previzaun meteorolójika sira ne'ebé hatudu ba anin boot no temperatura hirak ne'ebé sa'e maka'as. Fó sai ona mós katak sei tau iha prátika pré-alerta kona-ba mekanizmu europeu protesau sivil nian, nune'e mós ho akordu auxiliu nian ida ne'ebé asina ona ho Rúsia kona-ba tulun, bainhira iha difikuldade.

Tuir Protesau Sivil Portugál nian, inséndiu 100 resin mak ativu hela iha territóriu kontinentál no iha nusa-oan (illa) Madeira. Oras ne'e daudaun, iha bombeiru besik rihun 3, viatura 900 resin no aviaun esepesial rega ahi nian atu halo kombate ba inséndiu hirak ne'e.

Iha Altu Miñuu, planu distritál emerjénsia nian tau ona iha prátika, ne'ebé fó dalan ba autoridade lokál sira atu husu meu reforsu nian sira husi Governu. Planu ne'e tau ona mós iha prátika iha tinan 2015.

Primeiru-Ministru, Rui Maria de Araújo, konsidera situasaun ne'e perigu boot tebes, tanba ne'e maka nia konvoka ona sorumutuk estrordináriu Konsellu Ministru nian no fó sai ona transferénsia urjente tulun finanseiru ida ne'e ba autoridade sira no ba populasaun Portugál nian. **REMATA**



Palácio do Governo,  
Avenida Presidente Nicolau Lobato,  
Dili, Timor-Leste

pcm.gov.tl@gmail.com  
(+670) 33 310 608